

欽定戶部漕運全書

欽定戶部漕運全書卷八十九目錄

盤壩接運

盤運章程

經費出納

盤壩接運

高家堰以道光四年冬漫口次年春清淤築
啟放禦黃壩借黃濟運旋因裏河受淤復行堵
閉調用河北糧艘官撥添僱民船接運南河滯
漕所有道光五六兩年辦理盤壩事宜纂存備
考

盤運章程

一道光五年奉

上諭本年借黃濟運啟放欽黃壩四十餘日漕船未經挽渡者尙多河口至裏河一帶又日見淤墊轉瞬黃水漲發而未渡軍船旣難改由海運盤壩事宜自不可不豫爲籌畫所需接運船隻已諭知程含章琦善卽行封僱解江備用矣惟盤壩接運一切車船需費雖較之海運不至加多究不若軍船之省便現距夏至一月有餘孫王庭等仍當竭力

儕挽無論起撥靡淺如何艱難務須鼓勵兵夫照常挽渡多過一幫卽少一幫接運之周折斷不可因有此旨稍爲鬆勁至一切車船水腳等費該督等尤當撙節估計不可任聽所屬恣意浮冒其豫東兩省僱備商船應如何酌給運腳口糧之處該督等會籌妥議等因欽此

一江督奏准江省境內有湖南江西代造直隸官撥船共四百六十七隻暫行截留爲河口及淮河一帶起撥之用設湖南幫船阻黃末渡卽

將漕糧盤壩撥運赴通令原押官丁管領交卸
不敷裝載將河口官撥湊用如湖南幫船跟接
渡黃仍將前項官撥令該二省原委之員督押
前進速赴楊村以便起撥應用

道光五年

一盤壩接運需用船隻較多除將截留江廣代
造直隸撥船並江省原設官撥儘數選用外其
餘僱用民船豫省及東省曹單二邑均有西河
船儘數封僱委員解江又東省販運豆麥之船
一併飭僱解江備用

道光五年

一豫東兩省軍船飛提歸次接運南糧按額滿載不及三十萬石經東撫奏准軍船之外添僱民船均在濟寧以北排泊俟南河撥船至彼接卸代運抵通其南河撥船俟運足東省接運漕米四十萬餘石於濟寧交卸後仍回運口裝載南糧長運抵通道光五年

東撫籌議章程經江督漕督河督會議奏准十

七款

一濟寧一帶河道窄小除濟寧前後二幫停泊

濟寧水次其餘各幫分派袁洛口安山張秋等處停泊如南糧撥到照本省船隻次序由北而南挨幫上載俟軍船全行起撥再用民船接起仍飭委員押令原來船隻趕回轉運

一南省運撥米石不能適符一幫軍船之數統按前後幫船牽勻搭配屆時令糧道親赴接運水次調撥辦理並令南省各糧道造具丁名米數清冊移送東省糧道以便先期派船候接

一東省軍民船隻接運南糧原議每船給與照

料之旗丁食米一石頭舵水手每名日給食米一升由南省弁丁於已得贈耗銀米內按未行
程途分別勻扣嗣據江督奏准浙江江廣各幫
停待起撥需費甚多免其查扣贈耗貼給所有
津貼食米於續議章程內另籌給發

一接運南糧原議每船僱覓頭舵水手八名每
名日給口糧銀八分按幫酌派旗丁三五名眼
同盤量上載沿途幫同照料每石每里給水腳
銀二毫其鋪倉席片卽在二毫水腳內節省製

辦頭舵水手駕船歸次支給往返口糧統由道
庫作正開銷嗣據江督等奏准此次借用豫東
軍船既有南省旗丁隨船北上東省只須本丁
一人在船照料以節糜費

一豫東軍船接運南糧每船給三修銀七兩五
錢如無需接運卽作本年新運例給之項接運
以後與兌運本省正漕無異准作正運一次另
歸接運案內造報

一軍船舵工水手眾多分派豫東各幫開運干

總住船催徵彈壓照空運之例每石支給養廉銀一釐作正開銷

一接運水次相離稍遠委員分段專催每員日給口糧銀一錢跟役減半由糧道自行籌項給發毋庸報銷

一原兌米石過淮盤驗有無攬雜豫東弁丁未經涉手所有米石卸上軍船沿途照料及抵通交代事宜責成南省弁丁一手經理

一米石卸上軍船令東豫押空于總會同南省

運弁按船申報並令南省運弁督同旗丁開船
風晾毋許東豫丁舵人等入艙以杜沿途偷漏
攬和之弊

一軍船代運南糧經由運衛二河如有疎虞沈
溼米石由南來旗丁打榜賠補損壞軍船由豫

東軍丁賠造

一南河撥船到東押船運弁須隨豫東接運軍
船赴通交兌其原來之船尙須轉回裝運應由
漕運總督專委員弁往回管押

一僱備民撥每船裝米三百石以上至六百石者水手舵工以八名爲率七八百石者以十二名爲率一千石以上者以十五名爲率每名日給口糧銀八分以封僱之日起至抵通交卸完竣之日爲止由糧道給發作正報銷

一接運民船如遇臨清天津等關免納船料接運以後每石每里給水腳銀二毫頭舵水手每名日給食米一升均照軍船畫一辦理

一僱備軍民船隻專爲接運南糧或南河水勢

增長毋須接運除水腳食米扣除外支過口糧
仍准開銷

一軍民船隻口糧等項需用繁多道庫所存漕
項須留備本省新漕支用請在應行解部之臨
德二倉項下支放事竣按款造報覈銷

一接運軍船原議儘七月初十日止在濟寧一
帶受載儻過期不至豫東軍船未便停待致誤
本省新漕嗣據江督等奏准起撥開行守風守
水斷所不免設相距原定期畧遲數日仍交

豫東軍船接運

一接運南糧限期緊迫若各閘啟放遲緩必致
貽誤由山東河道總督專派廳員親駐河干隨
時啟放以上十七款

道光五年

江督酌議章程經戶部覈覆奏准十款

一江廣撥船接運滯漕沿途按名日給口糧毋
庸給予運腳此外添僱水手酌給身工器具修
船隻均作正開銷至江南豫東三省封僱大
小商船三千餘隻每運米一石給運腳銀四錢

內豫東二省所僱西河大船體重米多未能在
達通倉俟抵津後令旗丁撥運赴通一切交米
章程責成旗丁經理可免煩費其餘小船載輕
均令原船運通商船食米津貼每石運腳之外
折銀三分仍歸幫丁自行津貼先爲墊發於應
領新運錢糧內扣還歸欵

一漕米過壩自清江高坂頭起卸至黃河水口
受載僱用小船小車抗夫等項腳費每石給銀
二分八釐事竣覈實報銷

一各船經過閘壩提挽費用除各閘本有閘夫
提溜外仍看水勢情形酌僱人夫官爲給價由
各該處覈實報銷

一商民各船經過各關免報船料回空時准照
軍船之例酌帶土宜裝米一千石以上者准帶
土宜八十石九百石者准帶土宜七十石以次
遞減五百石以下者准帶土宜三十石報明免
稅如攬載客貨由各該商自行呈明照例徵納
一催到船隻大小不等每裝米百石用水手二

名四五百石至千餘石者亦止以二十名爲率未受裝以前每名日給坐糧銀八分由管理船鳩委員查量船艙尺寸覈定水手名數按日計名給發

一裝米麻布口袋苦蓋席片索袋繩索編號竹牌於盤米處所委員點驗稽查如有損壞隨時添補事竣按照時價報銷

一裏河廳屬清江以上之高坂頭起撥至外南廳屬之黃河水口填築馬頭以便車運近水處

所鋪搭跳板以便米石上船所需工價照河工
之例報銷各工寬長高深丈尺開單咨部備覈
一接運軍船俟受裝完竣各於船尾號明某幫
第幾號挨順齊幫令原押重運弁丁管押北上
其回空軍船令押空幫弁帶副丁管押歸次其
浙江江西湖南湖北各糧道照常督押重運行
抵臨清通州後再行折回辦理新漕

一接運漕船船多人眾應由地方文武各員多
帶兵役與各該省總運沿途催儱彈壓每船應

領運腳自百餘兩至四五百兩不等受裝後先
給一半未發一半銀兩由江省遴員攜帶行抵
濟寧臨清等處隨時扣足漕平發給如有剋扣
短發指名叅辦

一各處解到銀兩清江設立總局專管收支高
坂頭一帶設立分局易錢備用發給船價置備
物料按照漕平分給其平餘銀二兩三錢作正
開銷以上十款
道光五年

一江廣未渡軍船經江督奏准將本年首進軍

船自淮安頭幫至江淮九幫並例不過淮之淮安三江北長淮四等幫共船一千一百八十六隻接運江廣漕米一百二萬九千餘石按船勻裝逕抵通倉所有接運漕糧之幫丁按石照民船給值首進軍船卽在北岸臨黃運河停泊由江省多備民船渡黃運交其江廣重運船隻令將貨物起卸俾得就近盤撥並令豫東接運民船暫行停讓僉派妥幹員弁嚴催首進回空幫船飛挽南下以備接運

道光五年

江督奏明提用江南首進回空糧船接運江廣
漕糧章程十款

一重運漕船例許裝帶貨物首進軍船接運江
廣各幫漕糧米數較原運增多恐起逼不敷飭
令儘數裝米以期無誤

一江南首進回空幫船每幫自十餘隻至七八
十隻不等接運江廣各幫米石勢不能適符一
幫軍船之數統按首進幫船均勻搭配仍造具
丁名米數冊檔以免牽混

一接運江廣漕米每船僱覓頭舵水手八名每石每里給水腳銀一毫五絲每名日給口糧銀八分回空水手名數照重運減半運腳之外每石津貼銀三分先由河庫墊發再由江廣各糧道於該丁應領新運錢糧內扣解還欵其鋪倉席片卽在水腳內節省製辦

一首進空船接運漕米仍係軍船受載所有關纜人夫應仍由江廣旗丁經理將民船撥運過關關纜人夫價值開單發交旗丁查照俾經過

開端費用較爲節省

一接運空船令江廣幫重運千總督押所有沿途照料赴通交卸費用均由江廣弁丁自行經理仍酌留原船旗丁照料船隻器具每船給與食米一石先按時價動項墊發於江廣旗丁已得贈耗內均扣歸欵

一米石裝上軍船令原船押空千總會同江廣運弁按船申報並令江廣運弁督同該管旗丁密加灰印開船風晾毋許接運丁舵人等入船

卷之三
以杜偷漏攬和之弊

一首進軍船回空每船給修船銀七兩五錢先期解赴前途散給修補該幫船既經接運卽與兌運本省正漕無異回空以後准作正運一次一首進回空船入江南境後派大員前往挨查令將所帶土宜沿途起卸淨盡以便全數受裝米石其二次回空之船仍准帶土宜八十石免其報稅

一空船接運漕糧儻有疎虞查照東省軍船接

運章程米石由汀廣旗丁打撈賠補船隻由江南軍丁賠造

一首進軍船舵工水手人數眾多所有原船押空千總仍令駐船催儻彈壓並備押空歸次照

例給與空運養廉以上十款
道光五年

一道光五年奉

上諭浙江安徽及江廣各幫漕糧前次滯留禦黃壩以南者共一百九十餘萬石經琦善等設法盤運現已全數撥竣長運抵通所辦甚好惟天津北河

至通州一帶節節均有古淺新淤轉瞬節交冬令
水落歸槽恐致淺阻著蔣攸銛卽飭所屬先期多
備撥船排列河干守候遇有淺阻相機起撥俾得
迅速抵通等因欽此

一道光五年奉

旨本年南漕盤塲稽遲現在尙有一百三十餘萬石
未經到通天氣日寒恐致凍阻貽誤節經降旨飭
催茲據博啟圖等籌定起卸趕運各章程分晰具
奏著照所請除書役經紀人等責成該侍郎嚴查

刀勒需索之弊勿致稽遲外所有頭進軍船接
運江廣各幫著仿照向年由楊村寄撥之例全數
寄撥北上仍令原運旗丁押運赴通交卸其應給
撥船腳價飯米等項均令原運旗丁照向例辦理
軍船卽令就近回空俾免阻滯至轉運米石由大
通橋全運城內各倉恐致趕辦不及現在城外太
平裕豐萬安儲濟四倉尙有空廩數十座著由大
通橋於分運各幫米石內准其一半於該四倉暫
行寄圃俟漕務完竣再行陸續運進各倉至在後

江廣各幫挽過津關時著酌量天氣寒暖其已到
楊村起撥可以來通者於通倉暫貯未到楊村起
撥者於北倉暫貯俟來春冰泮查照舊章轉運京
倉其一切腳費俱著照舊辦理至小雪前後河水
初結仍可打冰前進不容任其逗留如幫船挽過
津關行至楊村寄撥卽打冰催儕撥船運壩起卸
飭令原船回空僉幫船挽過津關去北倉較近卽
打冰趕赴北倉截卸需用人夫眾多著蔣攸鋗派
委地方官沿途撥派人夫以備隨時打冰之用如

將來有截卸北倉之米著申啟賢屆時前往查驗
督辦無使書役人等乘機舞弊方為妥協欽此

一道光五年奉

上諭蔣攸銛奏察看催償滯漕情形酌定期限分別
趲運截卸一摺本年接運滯漕截至本月十二日
止未入直隸境者尚有十六幫之多現在節逾小
雪天氣日寒若北風驟起連檣凍阻進退無策不
免臨時周章自應酌定期限分別截卸北運河船
過津關寄撥到壩至速亦須旬餘著以本月十五

日爲斷已到津關者仍催令寄撥前進卽令原船
回空其十六日後始抵津關者卽令在北倉卸貯
除北倉空廒四十餘座儘數存貯米四十餘萬石
外所有倉廩院內地尙乾燥亦可囤貯一二十萬
石如再不敷卽按照成案於天津地方行店廟宇
暫行囤貯其南運河河水日耗古淺之處極多向
於大雪前後河冰凝結現距大雪僅有半月若幫
船未能衝尾而來卽不能全數抵津著以十月二
十五日爲斷已到直隸景州安陵汎境者仍押催

北上趕至津關卸貯其將到土陵而尙在山東境
者卽查照向來成案就近截卸山東德州固貯其
直隸故城縣運河又在德州以南著以十月二十
日爲斷如尙未挽到故城者卽將幫船截留山東
臨清固貯以便軍船卸載同空著博啟圖申啟賢
武隆阿各援照成案分別妥速籌辦毋得互相推
諉以致凍阻中途蔣攸銛仍嚴飭該鎮道等將在
後幫船迎提分段接催速益加速總期多一幫寄
撥赴通卽少一幫截卸北倉多一幫趨入直境卽

少一幫卸貯山東不得固定有期限稍爲懈忽現
在風高物燥火燭堪虞所有回空守凍卽著派分
數處停泊並遴委文武大員親駐河干稽查彈壓
毋令滋生事端等因欽此

一道光五年奉

上諭武隆阿奏察看接運幫船行走情形如旬日半
月內北風不致大作河水無虞消耗約計二十以
後可一律趨出東境等語本年接運南糧幫船未
入直隸境者尙多現已節逾小雪天氣日寒昨據

蔣攸銛酌量情形請定限分別趲運截卸當經隆
旨交該撫等各按照成案分別妥速籌辦該撫此
時自尙未接奉前旨現旣奏稱天未大寒水勢充
足著武隆阿卽商同蔣攸銛乘此機會督飭催漕
員弁加緊催挽總期趨早一日卽少一處卸貯不
得因定有限期可以截卸遂至稍爲鬆懈至閘內
運河已屆冬挑東省軍船因接運尙未歸次所有
閘內各州縣本年應兌漕糧著卽改爲春兌春開
俾運河挑工及時趕辦以免貽誤欽此

一江廣代造直隸撥船載留河口起撥漕糧經
漕督咨准如起米損壞卽交出運各本幫按船

攤捐造辦補還如起貨損壞責令經用之幫丁

賠補均俟來年出運帶交直省查收儻有缺損

畧爲粘補者卽令幫丁補修堅整照河工官撥

章程辦理

道光五年

一道光五年奉

上諭琦善等奏覈議明歲新漕盤壩接運及豫籌微

山湖蓄水事宜一摺本年盤壩接運業經辦有章

程江南首二進幫船均未經渡黃歸次明年自應
堅守禦黃壩提用江省各幫回空船隻盤壩運通
除江寧揚州淮安徐州通州海州等四府二州明
歲新漕各歸本幫兌收盤運及各幫內有滿號九
運等船應均扣除外所有首二進並減存在次江
北各幫船二千二百三十餘隻盤運浙江安徽江
西湖廣等省漕米足敷應用著該督等臨時通融
辦理前降旨令有漕省分各督撫所有明歲應徵
新漕仍照向例徵收本色並令琦善等體查情形

咨會各省妥爲辦理著該督等仍遵前旨卽知照
各省並嚴飭各該省押運員弁沿途加緊催償以
期及早抵壩迅速盤運並著以重運到壩之先後
隨到隨盤不拘幫次其接運經費除江寧等府州
係本幫受兌毋庸籌欵並各州縣撥運抵壩水腳
等項業經另籌毋庸請帑外其餘接運外省漕糧
卽照本年所定水腳等項銀數辦理各軍船並准
照例攜帶土宜免其納稅俾旗丁稍資接濟其各
船應給水手往返口糧由各省旗丁於應領錢糧

內付給沿途提溜打閘亦由各省旗丁自行開發
並將接運幫船每船應給食米一石亦令各省旗
丁實給毋庸折價其津貼三分著卽裁減餘俱著
照本年軍船接運章程辦理其江西省盤壩處所高
坂頭禦黃壩順清河吳城七堡等處分路盤撥者
均勻章算以每石二分八釐覈計所需帑銀一百
萬兩著屆期具奏請旨准其籌款動撥該督等惟
當竭力節省總期全漕無誤帑項不致浮糜方爲
不負委任至山東微山湖爲南北濟運水櫃本年

自三月啟壩空重軍船往來絡繹雖前據張井等
奏運河水勢充足空重船隻暢行無阻第本年全
漕運出東境尙須消耗明歲重空幫船又須往返
數次終年宣洩耗水尤多前有旨令張井等隨時
收蓄以資利濟茲該督等恐明年收蓄不敷濟運
於道光七年全漕所關甚鉅自宜爲未雨綢繆之
計所有本年首進船隻於抵通交卸後即在山東
臨清閘外衛河一帶停泊守凍不必年內回江一
俟東省漕糧過竣卽著煞壩挑河計明年接運新

漕六月內自可盤竣趕築湖口大壩並於朱姬莊
築倣攔壩設法收蓄以補消耗其明年各幫回空
亦令先於臨清閘外暫行渟泊八月後察看湖水
已充再行啟閘打放南下俾微山湖得資瀦蓄而
幫船仍不誤歸次於河漕均有裨益至糧船水手
該督等遵照前旨沿途僉派妥幹員弁於船行及
停泊守凍隨時稽查彈壓務令沿途安戢勿使滋
生事端此爲至要將此各諭令知之欽此

一明歲接運各省漕糧盤壩時應行僱募車輛

驢駄人夫短撥船隻並修備道路馬頭跳板及各路委員兵役薪水飯食油燭紙張等項奏准令浙江安徽江西湖南湖北等省籌畫銀款於糧艘未經開行一二月之前派委委員來江辦理江省仍委員幫同照料僱募其應用席片麻袋繩索竹片等項亦由各該省攜銀前來代爲置辦

道光五年

一倉場籌議撥船轉運明年河凍初開先儘北倉固貯滯漕趕緊運通隨到隨卸計平斛六十

餘萬石二月底可以運完其餘存倉未運之十
餘萬石卽令東豫卸空之船趕回北倉撥運約
用三百餘隻即可竣事並將梗米及稜米粟米
分別先儘轉運以免牽混

道光五年

一籌議明歲接運新漕經江督奏准於外北廳
屬浦家莊至中河廳屬王家莊停淤段內酌估
挑擣多作小壩並於雙金閘以上趕築攔河柴
土大壩一道中留金門俾資收蓄其邳宿運河
大加估挑寬深至南岸盤壩馬頭高坂頭一帶

距黃河堤岸較遠仍就擗黃壩順清河兩路分投盤運將順清河及新挑小河加挑寬深務期重運船隻可以直抵壩頭所有挑河等費均歸河庫項內通融籌辦其在南各幫抵淮時即將楊家莊口門拆通放空進重趕緊盤壩鋪水不致豫耗抵淮之米亦無虞久待至在北接運之船除江淮揚徐通海六府州卽用本幫裝米水腳節省此外安徽本幫之船均在二進中路船身笨重勢難壓後提前應儘先到之米裝在前

之船所短船隻將九選各項擇選修船應用如
尚不足再將所餘之米灑派各船勻裝三月盤
起五月盤竣糧艘抵通已在頭起海運商船抵
津盤撥之後北河亦無擁擠之虞

道光五年

一道光六年奉

旨百春等奏籌辦速卸漕糧一摺本年盤霸南糧各
幫並海運漕米共未到壩尚有一百四十餘萬石
自應迅速起卸無誤回空期限著准其查照厯年
寄撥迎撥成案自三進第十幫起俾在後各幫重

船卽由楊村回空如大通橋轉運不及著將城外
太平等四倉暫圍米四十萬石俟起卸全竣再行
轉運原派之倉其因費卽照上年收米成案辦理
至通壩口袋現不敷用將海運口袋由津提回以
作通壩起米之用總期及早回空無稍延誤欽此
一運弁全糧通完例准議敘本年東省接運浙
省漕糧係奏明仍由南省弁丁沿途照料赴通
交納所有東省運弁究與領運本省漕糧不同
未便給予議敘惟押運往返不無微勞議令漕

督自行查明分別獎勵

道光六年

經費出納

一道光五年奉

上諭孫玉庭等奏酌議漕糧盤壩接運章程並請撥
經費一摺著照所請准其將江蘇藩庫現存銀十
八萬兩安徽藩庫現存銀三十萬兩淮運庫現
存應還江蘇安徽三處藩庫銀二十四萬兩就近
動撥其廣東省籌備南河工需銀三十萬兩現已
起解在途亦准其就近截留以濟要需該部知道

欽此

一漕船提溜打閘向係旗丁自行出資由漕督
委員經理本年盤壩接運官爲給價奏准每米
一石過江南運河廳屬閘座添備關纜人夫實
需制錢二文九毫二絲七忽山東境內閘座亦
一律照辦均由總局借支八成銀兩按幫轉發
運弁帶北應用由各糧道自行覈實報銷

道光五年

一商船撥運漕糧由江省河口運至濟寧以北
交東省接運奏准照原議運抵天津按站酌覈
每石給運腳銀二錢四分

道光五年

一截留江廣撥船盤運漕糧該省已有例給行
糧按程水腳應歸節省惟原船僅有頭舵二名
奏准每船添僱水手三名統計舵水五名每名
日給口糧銀八分按米一石加給食米一升沿
途提溜打閘官爲給價該船在襄河短撥漕糧
經時已久多有損漏逐船勘估需銀四千二百
餘兩發交該省委員修船事竣分別報銷

道光五年

一盤運浙江等省滯漕一百九十一萬餘石支用
經費撙節覈減統計實銷銀七十八萬七千四

百八十餘兩其撥船運米過閘首進軍船修艤並折給舵水食米等費共銀七萬三千七百六十餘兩令浙江等省糧道扣解歸欵至例外浮多等項共銀十一萬七千六百七十餘兩不准報銷分別著賠經江督奏准將應賠銀兩在孫玉庭名下著賠三成顏檢名下著賠二成魏元煜嚴烺名下合賠三成總局道員同知四員名下合賠二成其豫省封僱民船及東省接運軍民船隻所用經費各該撫自行覈實報銷

道光五年

各省漕船運通米石除交倉外皆有例給耗
米所需盤壩運腳若照交倉米數覈銷卽須將
各船耗米運腳盡數剔出各丁未免苦累所有

此項耗米盤壩水腳等欵奏准悉照過壩米數

准銷道光五年

一北倉轉運之費向於各省旗丁應領錢糧內
按數扣解惟未經解到之前須籌款墊辦經倉
場奏准除截卸河南粟米五萬石令東豫漕船
灑帶卽將該省餘存運費一千餘兩按石貼給

外其餘計折洪斛米六十餘萬石需銀九萬數千兩於各幫本年接運未經抵通之船按程合其歸繳腳價共銀三萬兩留存天津道庫作爲轉運之費尙短銀六萬數千兩先於長蘆鹽政衙門籌款借撥俟解到歸款道光五年

一首進幫船在山東臨清閘外停泊守凍若俟挑河完竣鋪水回空再令修船買席時日促迫奏准將修船銀兩解往東省由山東糧道督令認真修理加修九運各項船隻如可修船亦令

督飭如式修固其鋪倉席片毛竹每船給銀二十八兩統山山東糧道查明船數墊發置備於明歲接運水腳內劃除解還

道光五年

一明歲應運軍糧除海運外餘均用江淮首二進幫船截留河北接運安徽省惟宿州頭二幫船可以歸次餘船均在河北首二兩進之中該省起運漕糧內由宿州兩幫軍船及減歇輪造船隻僅可兌運五萬餘石餘米二十六七萬石需船八九百隻分僱民船裝運所需銀十萬兩

經江督奏准於司庫地丁銀內動撥事竣覈實

報銷五年

道光

一安徽軍船均停待河北水次漕米另僱民
船裝運先經奏明動帑辦理其收漕時浮費卽
可節省所有盤撥經費經安徽巡撫奏准於節
省浮費銀內令各州縣按照兌運米數批解先
期解往清江備用

道光

五年

一湖南省額徵漕糧除食米及搭運初限繙交
餘米外應起運正耗米十三萬三千七百餘石

明年所需盤壩雜費經湖南巡撫奏准於藩庫
節年各屬捐存公費開欵內動支銀八千兩委
員先期解往備用俟盤壩竣時江省將用過銀
數再行據實覈銷道光五年

一道光五年奉

上諭穆彰阿奏遵旨酌借幫丁銀兩一摺本年江南
首進幫船接運滯漕丁力未免疲乏前經降旨著
穆彰阿隨時察看情形酌量調劑茲據查明各幫
丁沿途加締挽行需費已屬不少日內行過天津

寄撥截留交糧竣事卽須回空南下長河受凍用
項較多且距明春接運新漕尙須時日實形竭蹙
著照所請准其每船借銀四十兩計船九百二十
二隻共需銀三萬六千八百八十兩著直隸總督
卽飭藩司照數動款派委委員解至天津交穆彰
阿按船親自放給所借銀兩照例先由各該糧道
籌款解還直隸仍俟該幫等明冬回次在於應得
新運錢糧內分兩年扣還歸款以示體恤該部知
道欽此

一道光五年奉

上諭陳中孚奏二進回空軍船全入江境並照案請借銀兩一摺本年二進各幫軍船前於重運渡黃時節節起撥丁力已形疲乏復因停讓重撥出閘守待多日沿途阻滯經該漕督飭屬趕緊催償於十一月十五日全數挽入江境催下潔流閘與首進用牘並剔存九運等船俱在河北楊家莊一帶住守接運現據查明各船不能歸次停候既久用項實繁更形竭歷著照所請准其循照成案每船

借給銀四十兩所有二進回空各幫暨首進接運
用賸並剔存九運等項計船一千八百五十六隻
共需銀七萬四千二百四十兩卽在江南各關籌
備盤壩銀兩內就近於淮關照數動撥交陳中孚
覈明親自放給仍飭各該糧道將所借銀兩在於
各丁應得錢糧內分作二年扣還歸欵以示體恤
該部知道欽此

一盤壩南糧米數甚多如轉運遲滯於城外各
倉查點空廩及號房暫固所有開費銀兩先於

通濟庫支放事竣覈實報銷

道光六年

一本年盤運各省漕糧所需一切雜費奏明由浙江安徽江西湖南湖北各省籌畫銀款嗣經各省解到銀十三萬三千七百餘兩計撙節支用銀八萬二千七十餘兩節省銀五萬一千六百餘兩俱屬實用實支第款目瑣細而各省籌解此項銀兩或係官員捐補或係酌提閒款皆非動用正項奏准免其造冊報銷又江揚等府州屬僱備運糧民撥及盤壩各項雜費不在前

數之內本係在外籌備尤非動用庫貯閒欵可
比一併免其報銷其多餘銀兩存貯河庫遇便
分別解還

道光六年

一江西省本年盤運軍船水手往返口糧食米
沿途提溜打閘經費較之常年直運抵通食用
有增無減且多盤撥折耗若仍按未行程途劃
出額領之項原運幫丁勢必沿途缺乏經江西
巡撫奏准將額給行月銀兩照數全給

道光六年

一道光六年奉

上諭康紹鏞奏請分限扣解旗丁津貼銀兩一摺湖
南省上年漕糧盤纏應給接運軍船津貼又每船
給食米一石折銀三兩共銀五千四百四十六兩
零均係江南墊放應按數扣還惟念該幫丁上年
船由清江回空原丁仍自河口經理抵通丁力不
免疲乏本年盤纏接運各軍丁全賴新運錢糧用
度若將上屆應扣津貼及食米折銀全行扣解辦
理更形竭蹙著加恩將各旗丁錢糧內應扣江南
墊發津貼銀四十七百五十四兩零緩至道光六

年冬季起分作四限扣還歸欵以紓丁力其食米
折價銀四百九十二兩著仍在新運錢糧內先行
扣還歸欵該部知道欽此

一江淮九等幫未經歸次軍船道光六年起運
漕糧州縣僱船撥運至浦交壩北各本幫原船
裝運赴通其幫船自次抵浦應領行糧銀米咨
淮按照未行程途覈減道光八年

一江南省各幫軍船接運浙江省盤壩漕糧經漕
運總督咨准添僱短緯八接運船丁經理起撥

撥價由浙江省旗丁自行給發道光八年

欽定戶部漕運全書卷九十目錄

海運事宜

海洋運道

上洋受兌

海運事宜

道光四年冬高堰漫口運道淺阻
上以借黃濟運非策

命內外臣工籌議海運經協辦大學士戶部尙書英
和奏請於江蘇試行海運由江蘇巡撫陶澍兩
江總督琦善先後議覆奉

旨准行於是道光五年蘇松糧道屬下額漕全由上
海沙船運至天津交卸謹將暫行海運事宜備
載於後

海洋運道

禹貢載揚州貢賦沿海達淮蔡傳言冀州北方貢賦自海入河說者以此爲海運之始秦漢以來道弗可考迄乎元明始講海道海船畏淺不畏深畏嶼不畏風明人沿喚求道非嶼卽淺自不若元代直放大洋爲便考元明入海之道或由劉河轉廖角沙或由黃河口至鷹游門今俱湮塞惟吳淞口至十滧一路可行第大洋浩瀚本無畔岸舟人定之以更香驗之以水色格之

以針盤究難確指其道里數目茲就西岸對出
之州縣汎地此照覈計摘要大凡略分段落以
便檢閱海船自上海縣黃浦口岸東行五十里
出吳淞口入洋繞行寶山縣之復寶沙迤至崇
明縣之新開河計一百一十里又行七十里爲
內洋十滧地屬崇明可泊船爲候風放洋之所
此甫經出口之第一段也由十滧開行卽外洋
矣東迤一百八十里至余山一名蛇山又名南
槎山爲蘇松鎮所轄山係荒嶼船不可泊但能

寄碇爲東出大洋之標準是爲第二段自余山
駛至大洋向正北微偏東行至通州呂泗場對
出之洋面約二百餘里水深十丈可寄碇從此
以北入黑水大洋至大洋稍對出之洋面約一
百四十里係狼山鎮右營所轄又北如皋縣對
出之洋面起至黃沙洋港對出之洋面約二百
六十里又北泰州對出之洋面起至黃家港對
出之洋面約二百二十里係狼山鎮掘港營所
轄又北至閩龍港對出之洋面約二百里又北

至射陽湖對出之洋面約一百二十里係鹽城營所轄又北至黃河口對出之洋面約一百二十里係廟灣營所轄黃河口稍南有沙埂五條船行遇東風則慮淺擋宜避之又北至安東縣灌河口對出之洋面約九十里係伽湖營所轄又北至海州贛榆縣鷹游門對出之洋面約一百八十里係東海營所轄計自余山大洋以北起至鷹游門對出之洋面止約共一千五六百里統歸狼山鎮汎地是爲第三段凡舟行過余

山卽四顧汪洋無島嶼可依行船用羅盤格定
方向轉針向北略東行如東南風則針頭偏東
一個字如西南風則針用子午查江南余山與
山東鐵槎山南北遙對謂之南槎北槎行船應
用子午正針因江境雲梯關外迤東有大沙一
道自西向東接漲甚遠暗伏海中恐東風過旺
船行落西是以針頭必須偏東一個字避過暗
沙再換正針此沙徑東北積爲沙埂舟人呼爲
沙頭山若船行過於偏東一直上北便見高麗

諸山故將至六沙外仍須偏西始能對成山一
帶也以上三段均隸江南至行過鷹游門對出
之洋面往北卽山東日照縣界山東水師南洋
汎所轄又北至文登縣之鐵槎山一名北槎山
自余山至此始見島嶼又北至文登縣之馬頭
嘴入東洋汎界經由蘇山島靖海衛及榮成縣
之石島養魚池石島居民稠密可泊惟島門東
南向春時乘風易入難出計自鷹游門至石島
約六百餘里此第四段也舟行大洋用針盤尤

必用水托水托者以鉛爲墜用繩繫之探水深
則也每五尺爲一托查十濱開船試水自十托
至二十托上下行過余山試水均在三十托上
下順風二日餘均係黑水再試至十托上下卽
知船到大沙洋面行過大沙試水漸深至五十
托上下視水綠色則係山東洋面順風再一日
試水二十托上下水仍綠色遙望北槎及石島
一帶山頭隱隱可見再行半日卽至石島洋面
此商船赴北一定針路也其第五段則自石島

至俚島洋面約一百六十里俚島至成山洋面
約一百四十里俱染成縣地爲南北扼要之所
可泊水綠色針盤仍用子午略偏東從成山轉
頭改針向西略北入北洋汎界至文登縣之劉
公島約一百里又西至威海衛一百餘里又西
至福山縣之罘島一百里又北至蓬萊縣之
廟島二百里以上自石島起至廟島止約共九
百餘里之罘島西北一帶有暗礁船行偏東以
避之又廟島之東有長山頭淺灘宜避試水在

十五六托至二十托不等船至廟島以東南風爲大順計東省洋面共一百零五島中有二十五島最爲海道要地而廟島尤大可以停泊第六段自廟島過掖縣小石島卽入直隸天津海口約九百里針對大西偏北沿途試水在十五五托再試水至六托上下水黃色水底軟泥卽可拋锚候潮進口約計天津海口逆流挽繩一百八十餘里卽抵天津東關外總計海運水程自吳淞口出十激東向大消至余山北向鐵槎

山歷成山西轉之罘島稍北抵天津凡四千餘里我

朝自康熙年間開海禁以來商船往還關東天津等處習以爲常駕駛之技趨向之方靡不漸推漸準愈久愈精是海運雖屬試行海船實所習慣春夏多東南風舟行尤順利焉

上洋受兌

一道光五年兩江總督琦善等奏前奉

諭旨海運一事著俟藩司賀長齡赴海口查勘情形
籌畫到日卽將一切章程會同妥議具奏等因欽

此伏查江蘇上海船商素稱殷實雇用載糧并

無苦累惟因與官吏交涉恐有剋扣需索情事

遂致疑畏不前經臣陶澍於查勘江震水利之

便繞至上海傳集船商面加曉諭商情頗形踴

躍茲據司道等督同府縣查明上海地方向有

本省大中兩號沙船每船裝米自數百石至二
千石不等又有浙省蟹船及三不像等船與沙
船大小相似向亦往來天津熟悉北洋沙綫堪
以備雇已據陸續具到承攬共有沙船一千餘
號及三不像等船數十號來年淘運一事必可
試行所有蘇州松江常州鎮江太倉等四府一
州額徵起運道光五年分漕白正耗米共一百
五十餘萬石合計大中兩號沙船兩次載運米
數正與各府州額漕不相上下自應卽以蘇松

等四府一州新漕全歸海運尙有帶徵道光三年二限及厯年灾緩米石應飭各州縣儘徵盡解隨同新漕均由海運現飭該管府縣於冬季全數歸次時再行續雇其浙江省蟹船及三不像等船旣與沙船大小相等且係平底深倉亦應寬爲雇備現已移咨浙撫轉飭地方官諭令該船戶等於冬季齊赴上海聽候選擇雇用期於來年春夏兩次裝運悉數抵津等因奉

上諭琦善等奏請將蘇松常鎮太四府一州應徵道

光五年分漕糧全由海運據奏現雇有沙船一千餘隻三不像數十隻計春夏兩次可以運米一百五十餘萬石著照所議辦理等因欽此

一辦理海運均在上海驗收兌裝州縣運米到次委道府丞倅四員會同蘇松太道盤驗乾圓潔淨斛收交船每船桶貯樣米一斗粘貼印花帶津另派道府等員各帶佐雜由陸路齋冊赴津沙船一到將原封米樣稟請驗米大臣赴船比驗俟漕糧全交撥船回蘇銷差至沙船米石

既交撥船卽與沙船無涉直隸多雇撥船在津
守候沙船隨到隨卸所有向例應給銀米各款
除應解輕齋席木等款仍照例解交外其由津
起撥不敷各費另行籌解倉場給發

一蘇松常鎮太每年起運漕糧例給旗丁耗米
共一十八萬餘石以備折耗食用之需此次雇
用沙船運至天津每百糧一石酌給耗米一斗
糙米一石酌給耗米八升卽於給丁耗米內動
放計節省耗米六萬餘石隨正起運

一商船領運妥速覈其運米多寡酌加獎敘一
萬石以下由司道分別賞給扁額自一萬石至
五萬石以上分別給予職銜若已捐至五品無
可再加另行酌獎再商船全數運米南北貨物
未免阻滯每船准其八成載米二成載貨由海
關查明免稅放行但不得過二成之數如貨物
到津售賣不完或另販天津貨物轉至奉天一
律免稅其自關東運豆回南仍照例輸稅以重

關課

一沙船停泊黃浦江岸候兌派定某處米數懸
挂各色旗號排列成行各屬運米撥船一到各
認旗號就幫斛兌先於對岸之百蓮涇派員查
驗米色給單開斛每日輪派丞倅委員督率各
縣丁役分投交兌沙船苦蓋鋪墊所需物料俱
由各縣自備並飭每縣帶解制斛十面用道府
印烙到上海時仍由道府各員將領頒鐵斛眼
同船戶較準卽令該船戶畫押再加監兌委員
印封爲據兌竣一船卽將司道會印三聯執照

截給一張所有船戶者能姓名以及縣分米數
詳細註明以憑稽覈至領給水腳之後卽令船
戶給州縣米結一紙委員亦給兌單一紙存照
沙船雖驗派在先如臨時受兌有船身渺舊未
固者仍准挑換並令隨兌隨開移至上海縣之
吳淞口聽候在汛員弁挂驗放出崇明縣十滧
地方寄碇守過二月初八風信卽放洋長行
一海船裝運糧米自上海至黃浦一帶分段駐
泊將某號船若干隻應兌某州縣漕糧編寫旗

欽定四庫全書

欽定四庫全書
卷之十一
上海公所補造加米另冊註明船戶某人原裝
載以昭慎重

一海運雇船原定八成裝米二成搭貨免其納稅惟當漕糧起運船多貨少如有情願加裝米石者許其自行酌量數目具報加裝仍每石給運腳銀四錢耗米八升各船於兌竣時發給三聯印照粘單加註添裝某縣米數蓋用糧道印信以便抵津之日先憑執照米數兌收一面由上海公所補造加米另冊註明船戶某人原裝

某縣正耗米石若干加裝某縣正耗米石若干
仍另造簡明清冊飛咨倉場及天津驗米大臣
至糧道衙門造辦各州縣漕自二米起運正耗
數目仍照舊分別題咨以備稽覈

一海運米船放出吳淞口至十滧地方寄碇候
風開行查十滧地方雖隸崇明縣境已在內洋
之外緊接黑水大洋一過余山卽無島嶼可依
必得順風三四日始抵山東之石島成山一帶
中間洋面將近二千里並無拋貓寄碇之處是

以行船必須看定風色始能向北駛行非比內河可以剋期催儕

一蘇松等屬海運漕白正耗米一百五十一萬餘石照洪斛折算應解天津撥價等項銀一十五萬二千餘兩北倉截卸露圃等項銀三萬兩又倉場需用銀七萬五千餘兩共銀二十五萬七千餘兩除已由蘇籌解過銀十二萬餘兩又在於隨漕徵收水腳項下撥解銀三萬兩外約計尙應籌解銀十萬餘兩查有節省漕項銀米

現存蘇松糧道庫給丁行贈等銀二十餘萬兩
堪以動用所有補解各款銀兩向係旗丁在於
得項內自行措交卽出於漕項銀米之中直省
需用還墊各款應卽在節省漕項銀款內酌量
動撥此外尙有隨運赴津節省餘耗漕白米五
萬九千餘石係奏明撥抵折耗飯米之用除由
倉場撥給經紀耗米一萬九千餘石外尙贍耗
米四萬餘石亦係海運餘出之米應卽作正交

倉

一道光六年奉

上諭陶澍奏請飭催沙船以速海運一摺據稱現計存米尙有三十餘萬石專待前船回棹方能全行起運海船自南赴北總以四五月夏至前後南風司令最爲相宜至六月中旬風暴靡常卽難行走且辦運員役人夫亦須及早竣事方可裁撤以節經費等語穆彰阿接奉此旨卽將現到沙船加緊撥運愈速愈妙並迅速收買餘米俾沙船得以早歸無誤二次接運並著那彥成晉昌常文盛泰等

轉飭各該地方官催飭沙船迅卽裝貨回南並飛咨沿途海口催令迅速儕行俾得順趁風汎趕裝二運無使遲誤將此諭令知之欽此

一蘇撫奏初次海運回南商船截至五月二十
二日止已有進口船三百二十餘隻各船商咸
稱此次裝運漕糧所帶貨物旣經免稅餘米又
蒙

聖恩加賞價值無不懽忻踴躍爭先趕河裝載二運
惟上海存棧米石間有發熱黴變除米質堅老

無礙食用仍舊交兌外餘俱剔換一律乾潔督
令道府委員妥協籌辦迅速藏事

一道光五年分蘇屬徵存漕贈五米白糧盤耗
水手飯米三款共米九萬八千七百餘石向係
例應給丁之項因辦海運省出歸公經蘇撫奏
准按照時價以每石二兩二錢五分糴銀解道
報撥其行月一款共米九萬三千餘石除應給
接運軍船月糧及滿號免雇等船苦蓋併濟造
行月糧米約共需米八萬五千餘石尙應賸米

八千餘石並經奏准畱爲下年辦運奏派幫丁
之用毋庸糴撥

一海運漕糧計蘇松常鎮太額徵道光五年分
起運漕白正耗米一百四十五萬一千三百一
石零又節省歸倉候撥耗米五萬九千六百七
十五石零又給船耗米十二萬餘石通計裝載
正耗各米共一百六十三萬三千餘石前後用
沙船及浙江蟹船三不像船共一千五百六十
二隻截至六月初五日止全數兌開完竣

一糧米由海運津奏委川沙營叅將京口副將押運兩運押送官各給盤費銀二千兩於松太道庫屬解津貼銀內動支計二運糧數僅有三十餘萬石所有護送交替之掘港營都司卽在二運押送官應領款內提銀二百兩以爲往來盤費

一蘇松常鎮太漕糧改由海運所有幫船停留河北接運浙江等省漕糧僅有水腳口糧其行月賄五等項無從支給准將月糧一款全數給

發以資津貼其節省行贈銀兩造報候撥節省
米石搭運赴通

一海運經費由外籌款卽以向來辦漕雜費充
用並未動用正項所有常年河運例應給丁漕
項銀米除迭次撥解天津應用及調劑旗丁案
內全支月糧外計節省銀十餘萬兩米十餘萬
石贈五等米糴銀解道與徵存漕項等銀一併
報撥又有節省耗米五萬餘石搭運赴津除撥
給經紀耗米尙賸米四萬餘石歸倉較常年河

運所省甚多約計商船搭載二成客貨所免稅
銀一萬餘兩經蘇撫奏准在海關額徵稅銀項
下劃除

一江興等衛協運各幫每年解部飯銀八百兩
向在幫丁應領錢糧內扣解道光五年分漕糧
全由海運並無應領運費錢糧可扣經蘇撫移
咨在天津交米道員先行籌摺委員解部兌收
事竣回蘇另籌歸款

一道光六年奉

上諭陶澍奏海運默邀

神佑請加封號扁額一摺所奏甚是本年試行海運該撫陶澍恭詣寶山縣海口致祭

風神

海神並詣上海縣黃浦江岸虔禱

天后廟沙船正抵黑水大洋迭遇風暴危急時若有

神助並未損失一人卽有遭風斷桅各船米石毫無漂失利漕安瀾覽奏實深欽感著發去大藏香

十粧交陶澍祇領遣員詣各處

神廟敬謹祀謝

天后之神疊彰靈應我朝屢加封號本年海運化
險爲平顯應尤著禮部察例擬加封號候朕酌定
以昭

靈貺海口

風神廟

海神廟並發去御書扁額交該撫敬謹懸挂以答
神庥欽此嗣據禮部撰擬封號繕單具奏奉

硃筆圈出安瀾利運欽此

一道光六年奉

上諭琦善等奏海運漕糧全數兌開完竣請將出力人員鼓勵各一摺上年河務阻滯諸臣奏請試行海運事屬創始辦理維艱仰賴

神靈垂佑在事臣工竭誠宣力雇船兌運籌畫周詳計起運漕白正耗各米一百六十三萬三千餘石用船一千五百六十二隻兩次絡繹開放穩抵津門諸凡妥順朕心深爲嘉悅自應卽沛恩施以

昭獎勵琦善督飭有方可嘉之至著交部議敘陶澍親駐督辦深協機宜著賞戴花翎藩司賀長齡布置精詳臬司慶善細心贊畫蘇松糧道宋潢始終其事俱著交部議敘調任蘇松太道潘恭常駐浦籌辦經理得宜著賞加按察使銜所有單開尤爲出力之蘇州府知府額謄伊松江府知府陳鑾俱著賞加道銜川沙廳同知李景嶧前任蘇州府督糧同知俞德淵俱著賞加知府銜李景嶧著遇缺陞用俞德淵俟服闋引見後遇缺陞用上海縣

知縣許乃大著以同知直隸州儘先陞用崇明縣
知縣王青蓮署崇明縣丞江陰縣丞畢以紱俱著
以應陞之缺儘先陞用試用知縣陳用珩著不論
繁簡遇缺卽補兩淮候補鹽大使黃冕著遇缺儘
先補用寶山縣主簿周恭壽著以縣丞儘先陞用
試用同知吳廷揚試用通判顧文光試用理問陳
仁吳景周試用縣丞嚴偉試用府經歷陳溶試用
從力品魏邦魯余錫溥劉國正俱著各按本班儘
先補用長洲縣丞錢兆麟嘉定縣丞姚大成吳江

縣丞蕭韶江陰縣巡檢俞昌會俱著儘先陞用武
進縣丞陸鈞松江府經歷張慶璣長洲縣主簿劉
琅俱著各陞本班以應陞之缺陞用候補未人流
虞芝林著俟補缺後以應陞之缺陞用太湖廳巡
檢謝元淮青浦縣巡檢方景雯該員等本有儘先
陞用之案著不論繁簡遇缺即陞提標前營遊擊
署上海遊擊福智提標千總李炳忠俱著以應陞
之缺陞用署壯標右營守備候補守備劉均著儘
先補用其餘應予議敘記功各員及尤爲出力之

船商紳耆人等並著查明分別辦理該部知道欽此嗣據吏部題准琦善加二級賀長齡慶善宋清各加一級紀錄二次

一道光六年奉

上諭琦善等奏查明承辦海運各員懇恩鼓勵一摺
本年辦理海運前經降旨令琦善等將江南辦運
委員及押運武員各按勞績分別奏請鼓勵茲據
查明具奏懇請恩施江南南京口協副將湯鑒龍太
湖協副將關天培督押海運船隻妥協迅速俱著

加恩交部從優議敘准揚道鄒錫淳河庫道李湘
薩等駐津交米布置周詳鄒錫淳李湘薩俱著交
部議敘慶玉昨已簡放安徽廬州府知府仍著賞
加道銜太倉直隸州知州王有慶著賞加知府銜
蘇州府管糧通判清平著以同知陞用南匯縣縣
丞鄭祖經山陽縣縣丞項炳森均著以應陞之缺
陞用委用縣丞溫履台試用府經歷顧毓奇均著
俟補缺後以應陞之缺陞用試用主簿汪鉉試用
未入流李長慶均著儘先補用掘港營都司俞大

銓拔補千總周世榮候補千總鄭大經額外外委
趙寶和均著以應陞之缺儘先陞用該部知道欽
此嗣據兵部題准京口協副將湯攀龍太湖協
副將關天培督押海運船隻妥協迅速照一運
全完隨帶加一級之例加等各給予加二級又
據吏部題准將承辦海運之淮揚道鄒錫淳河
庫道李湘菴各給予加一級紀錄二次並將咨
請從優議敘之鎮江府理事同知富康等十員
各給予加一級紀錄二次咨請議敘之震澤縣

縣丞楊春陽等八員各給予加一級奉

旨依議欽此

一道光六年奉

上諭陶澍奏查明海運案內急公領運倡募招徠船隻之商埠人等懇恩鼓勵一摺本年海運沙船全數到齊前經降旨著該撫就近查明將各商埠人等分別奏請恩施茲據該撫遵查開單具奏各該商等承運官米踴躍急公或首先領雇願捐腳倅或親身押運經歷重洋自春徂秋往返兩運均能

不避辛劬自應量加獎勵江蘇崇明縣舉人施彥士著交吏部以知縣畿掣省分歸於議敘班補用上海縣捐職布政司經歷朱增慎捐職都察院經歷毛振勲俱准其名就原職捐足不論雙單月歸部儘先選用浙江慈谿縣捐職通判盛炳煜捐職從九品洪炳輝鄞縣捐職布政司理問謝占壬俱准其各就原職加足不論雙單月照常例加捐分發畿掣省分試用鄞縣捐職州同盧新江蘇通州捐職布政司理問彭晉嘉定縣捐職理問蒯學順

崇明縣捐職理問陳廷芳山東膠州捐職州同孫
榮昊俱賞加五品職銜浙江慈谿縣舉人大挑教
諭阮兆熊著賞給六品頂帶慈谿縣監生費元墀
上海縣船商楊國芳寶山縣監生陸昌吉俱賞給
六品職銜上海縣船商王文瑞慈谿縣船商盛垣
俱賞給七品職銜崇明縣監生宋承茂著賞給七
品職銜長洲縣船商何文琰上海縣船商沈志明
浙江鎮海縣船商華仁安俱賞給八品職銜江蘇
通州貢生季存霖崔進書監生彭羅清季兆增彭

均元和縣監生蔣炳崇明縣監生陳鶴陳荷陳冠英顧近顏寶山縣監生馬慶殷劉瑞珍俱賞加八品職銜通州船商郁勝隆慈谿縣船商葛維戊胡紹中盛榮俱賞加九品職銜上海縣牙埠唐育會李昌泰顧飛熊徐元淑唐森階吳錫章萬寶榮姚震徐土劍俱賞給從九品頂帶審司衙門書吏顧崑揚充當典史已滿三年著免其考驗交吏部以從九品註冊卽行選用該部知道欽此

一浙江省海運漕糧向於上海設局辦理因上

海地方尙未收復改由太倉州屬之劉河口兌
運經部議准太倉州至六渡橋一帶係撥運必
由之路既經勘明淤淺責令太倉州迅速挑挖
蔣事所有估需挑工銀一萬兩由浙江省措借仍
由蘇省籌解歸款並飭浙江省各州縣酌量米糧
緊運往兌咸豐四年